



QUÆSTIO MEDICA,

Quodlibetariis disputationibus manè discutienda in Scholis
Medicorum, die Jovis 18 Januarii 1720.



M. LUDOVICO DE SANTEUL,
Doctore Medico, Præside.

Morbi ne indicant naturæ mechanisum?

I.

NATURALIS Corporis non tantum; sed & Totius Physici miranda profectò phænomena; Quotquot sunt, totidem illorum in semetipfa vicissim agentium effectus. Hujusce reciproce actionis causam inquirere, multorum labor, invenisse paucorum merces. Primæ qualitates, forma substantialis, materia subtilis, striata, globosa, sales diversi generis, vela quibus jam satè arcana absconditur natura; hæc explicant effectus, ipsa verò ab effectibus non demonstrantur; Externorum in corporibus diligens inspectio, Major eorum quæ ob facilitatem notitiam spernuntur indagatio; si solitariè spectentur, si cum aliis juncta considerentur, diversarum in utroque statu relationum scientia, viæ ad causam inveniendam certiores. Limus sapissimè thesaurum indicat. Vir verè Physicus ille est, qui causam generaliorem affert, ita ut omnibus corporibus quæ cognoscere potest, conveniat. Hanc causam ab aliis pendere non probat, supponit, supponendo negligit. Ad morborum curationem necessariam esse principiorum hæcenus fictorum cognitionem, igne torquendam omnium medicamentorum analysim, partis structuram usque ad minima componentia callendam esse; Hæc non tam plebis, quam sciorum opiniones, iisque faventia medicastrosum dogmata. Quidquid rimatur physica vel corpus humanum intus afficit, vel extus. Quæcunque existunt corporea, si non omnia propter hominem facta, saltem pleraque ad ipsius usum adhibita. Horum omnia externa, illorum interna corpus efformantia; externa modò sanitatem conservantia, modò destruentia, nomine rerum non naturalium dignoscuntur. Corpus humanum lapis physica lydius, quo pro variis occasione entium externorum in semetipso affectionibus, quid universalius functiones pariat innotescit, & vicissim corporum afficientium longâ & repetitâ observatione natura detegitur.

II.

UNA eademque est in morbo ac in sanitate natura. Non differt uterque status, distinguitur tantum per effectus in statu sano vix sensi-

les, magis in morboſo conſpicuos. Magna duræ meningis in omnes corporis partes potentia, judicatur ex febris, vomitu, hæmorrhagiis, aliisque ſymptomatibus capitis vulnera vulgò concomitantibus. Erumpit infans ex utero matris, non tam meconii irritamento, urinæ-ve in veſicâ gravitantis mole, quam ex ſanguine ſuperfluo pulmonis aditum nequicquam affectante; patet ex pulmonum morbis in quibus ægrotantes præ nimia reſpirandi difficultate ad lecti pedes provolvuntur, aut in eodem ægrè continentur. Alimenta nullo acido in chylum converti plurimis evincitur argumentis, unum inſtar mille eſt, ruſtus acidus lientericæ, dyſentericæ-ve ſupervenienti, bonum. Nullarum glandularum ope ſecretiones fiunt, cuiuslibet ſufficit fluidorum indeſignis impulſus, innuit & vulnus & vulneris curatio. Quomodo contrahatur muſculus, explicatu difficile. Huic functioni inſervit cruoris pars quædam intra toros intercepta, majori ipſorum niſu, ſanguinis copię accedenti negantes aditum: Illam mechanicam declarant glandularum circa partes organicas præſentia, laſſitudines ex nimio labore, pulſus intenſio, croceus urinarum color, ſanguinis tunc per os, tunc per nares, aliquando per urethram ejectiones, violentorum exercitiorum ſuccedaneæ. Ad organorum motum requiritur juſta liquorum quantitas, præſens indè & efficax adeo difficulter parienti venæſectio, indè à repletionem vel ab inanitione convuſiones, ex aneurifmate, varice, & abſceſſu paralyſes, ſpaſmi infantum, quibus erumpunt dentes, alvo crebrius demittente rariores. In minimis cruorem componentibus apta poſtulat figura, hinc lue venereâ ſcorbuto-ve laborantes difficilè moventur.

III.

LATET alter in ſanitate mechanifmus intricatus magis, nec minùs morbis eluſcens. Duplex eſt; ſpecialis ſcilicet fibrarum textura & ſingularis partium liquidi diſpoſitio; index utriuſque affectuum contra naturalium quoad cauſas cognitio, eorundemque apta & prudens curandorum methodus. Fluida & ſolida non admodum diſcrepant, hinc ex unius conſpectu quaſi certum de altero judicium, frequentior indè in arteriis circa cor poſſiſſimum polypoſarum vaſcula æmulantium concretionum productio. Pars una in corpore fibrilla. Artiſcioſè cum aliis ſui planè, ſimilibus juncta diverſa efficit organa, Eadem per canales directa plùs minùs-ve ſubacta varios procreat humores. Ab unionem quidam in ſolidis rigiditatis flexilitatis modus, certum proindè Elaterium. A diſiſione in fluidis peculiaris contactus, lubricitas, ſoliditas, undè determinata ipſorum Reſiſtentia. Hæ dotes in utriſque magis vel minùs ſemper excedunt, ſed modò reciproce, Temperamentorum indè diſcrimina, modò minimè reciproce, hinc Morborum caterva. Temperamentum prima ad morbum diſpoſitio: finitur propria quædam partium retinentia in res non naturales, cibos imprimis quorum Unicusque materies, copia, præparatio vulgò peculiaris. Morbus vitata nutritio; ſola nutritiuntur ſolida; ſola idcirco morbis afficiuntur. Ut morborum ſic functionum diverſitas à loco repetenda. Ex fibrarum elatere, proportionatoque liquidorum pondere naſcitur motus æqualis, omnium

functionum opifex. Ubi villotum laxitas, major-ve tensio, ibi roboris vel defectus vel excessus, at in quocunque casu communis morus imminutio. Ubi fibrarum crispatura & erethismus, ibi motus incrementum in solidis tantum. Hæ sunt omnium morborum causæ, ab iisque potissimum in curando desumendæ indicationes.

I V.

VETERIBUS major quàm Recentioribus quoad proximam adhibenda fides; an quia apud illos major solidorum quàm fluidorum ratio! Nonnulla humoribus virtus, condimenti medicamentive vices gerunt. Diætâ, Chirurgiâ, & Pharmaciâ curantur morbi. Horumce auxiliorum nullum diætâ præsentius. Sola plurimos sanat morbos, sic plerique infantum morbi, febres quartanæ, vernaes & præsertim autumnales, alique chronici affectus efficacioribus remediis rebelles, naturali diætâ mutationi cedunt; Si diutius perseverant, arguendus adhibitorum antea pharmacorum usus. Diætâ sub se plures continet Remediorum species. Vis omnium merè mechanica. Premittit aër, stimulant animi pathemata, excitant diversæ motuum species, laxat & emollit balneum si calidum, roborat si frigidum. Solidis evidentiùs debetur ars chirurgica; ad sanandum quæcunque admovet, eadem immediatè parti laboranti applicat, ipsius indè securitas. Integris sanisque partibus, læsum ubi tollitur organum, felix sæpe sapiùs operatio; periculosa saltem dubia si totum corpus primario aut deuteropathicè laboret. In lithotomia spes à statu vesicæ, nimis corrugata mortem minatur. Chirurgum commendat in inchoando opere dextertitas, multo magis in perficiendo sagacitas. Morbum majorem minori debellare Chirurgiæ finis; ne priore pejorem inferat, cavet peritus Artifex. Quos morbos Chirurgia spectat ad vulnere curationem referuntur singuli, Nocent vulnere curationi labiorum inflammatio, callus, gangrena, nimia saniei aut puris copia, totidem fibrarum rigidiorum flexiliorum-ve vitia. Demonstrant iisdem emendandis tollendisquæ adeò utilia venæ sectio, scarificatus, embrocatio, diligens aëris fuga, rara idcirco vulnere curatio, parvus turundarum, penicillorum, unguentorum usus, spirituosorum in antiqua vulnera liquorum tinctus vel injectio, lintea modò continentia tantùm, modò comprimentia. Quæ circà istorum Remediorum applicationem dantur præcepta, sunt totidem in fibris excedentis vel deficientis roboris argumenta.

V.

PRIMARIAS morborum causas debellaturo, jam notus fons auxiliorum uberrimus. Foret ipse earumdem sicut & secundariorum rarus victor, nisi & suas opes funderet Pharmacia. Solidis propriæ Diætæ & Chirurgiæ, has & partes respicit Pharmacia, minimè neglecto fluentium genere. Ex simplicibus & compositis crevit ingens medicaminum numerus. Paucæ, experienciæ dona; Pluræ, novitatis, mysterii, farraginis & mendacii partus. Sapienti Medico curta Remediorum suppellex Una functio pluribus aliis inferuit, unum Remedium plures & diversos producit effectus. Specifica sæpe medicamenta venæ-sectio & catharsis,

modò hæc, modò illa impeditæ transpirationi, quibus casibus præster altera? Res inquirenda Medico. Naturæ motus sequitur Sanguinis missio, ipsis imperat Purgatio. Rara, præceps, periculosa, purgandi occasio, illani aucupanti necessaria proinde vigilantia, celeritas, & prudentia. In benignis morbis multos trucidavit præposterus catharticonum usus, Complures in malignis occidit eorumdem neglecta nimium. ve dilata propinatio. Non tam in evacuandis humoribus profunt purgantia, quam in mutandis villorum occillationibus. Ex alterantibus plurima in fibras, quædam in humores, nonnulla in utrasque corporis partes agunt. Diluentibus prima laus esto: ast unicuique ægrotanti definienda illorum quantitas. Omnium Medicamentorum si non à solidis virtus, saltem ab iis pendet exitus. Major indè judicatur solidorum quam fluidorum potentia. Hæc, prima, curantis indicatio, potens corporis tyrannus, verus naturæ mechanismus; filet ille, viget sanitas; sentitur, nascitur morbus.

Ergo morbi indicant naturæ mechanismum.

DOMINI DOCTORES DISPUTATURI.

M. Jacobus - Benignus
Vinslow, Regia Scien-
tiarum Academia Socius,
M. Ludovicus Guillot.

M. Gabriel - Antonius
Jacques.

M. Franciscus Aignan.

M. Claudius de la Vigne
de Frecheville.

M. Jacobus Fournier,
Chirurgia Professor.

M. Josephus de la Grive.

M. Joannes - Damianus
Chevalier.

M. Michael - Ludovicus
Reneaume de la Garanne,
Chirurgia vernaculo
idiomate scripta
Professor, necnon Re-
gia Scientiarum Aca-
demia Socius.

Proponebat Parisiis LUDOVICUS-SIMON EMMEREZ,
Parisiensis, Baccalaureus Medicus, A. R. S. H. 1720.
à sexta ad meridiem.